

VÄIDIMČUJOTTÂS

(Laahâ Meccihaldättâsâst 21.2 § ja 18.2. §)

Taan miärádâsân tutâmettum puáhtá uuccâđ toos nubástus väidimáin haldättâhriähtân kirjáljn vaiduin.

Väidimreeivâ siskáldâs já vuáláčäällim

Väidimreeivâst, mii čujottuvvoo haldättâhriähtân, kalga almottiđ čuávuváid aašijd:

- väidee nommâ já päikkikieldâ
- miärádâs, moos nubástus occoo
- kogo miärádâsân occoo nubástus já maid nubástusâid toos kalga toohâđ sehe vuáđustâsah, moiguin nubástus váttoo
- postâčujottâs já puhelinnummeer, moid ääši kyeskee almottâsâid puáhtá toimättiđ väidei

Jis väidee sárnumväälđi kiävttä suu lavâlâš ovdâsteijee tâi äššiolmooš tâi jis vaiduu rähtee lii kiinii eres ulmuid, väidimreeivâst kalga almottiđ meiddei suu noomâ já päikkikieldâ.

Väidee, lavâlâš ovdâsteijee tâi äššiolmooš kalga vuáláčäälliđ reevâ.

Väidimreeivâ labdoseh

Väidimreeivân kalga labdeđ:

- miärádâs, moos nubástus occoo väidimáin, algâalgâlâžžân tâi kopion
- tuodâštus tast, mon peeivi miärádâs lii adelum tiättun, tâi eres čielgâdem väidimääigi älgim äigipuudâst
- äššikiirjjid, moid väidee tuurvâst jieijâs vaiduu toorjân, jis toh iä lah jo ovdil toimâttum virgeomâhâžân
- äššiolmuu vâldikirje, jis äššiolmožin ij tooimâ äššivyeijee tâi almolâš riehti-išedeijee.

Väidimääigi

Vaiduu kalga toohâđ 30 peeivi siste miärádâs tiättunfinnimist. Väidimääigi reknistdijn tiättunfinnimpeivi ij valduu mield.

Tiättunfinnimpeivi reknistuvvoo čuávuvávt:

- jis miärádâs lii luovâttum ääšiomâhâžân, ääšiomâháá äššiolmui tâi sänituálvoi, tiättunfinnimpeivi almoon miärádâsâst leijee stemppâlist

- jis miäradâs lii vuolgâttum poostâ mield finnimtuodâštus vuástá, tiättunfinnimpeivi almoon finnimtuodâštusâst
- jis miäradâs lii vuolgâttum táválâš reivân, tot kiäččoo puáttám tiättun čiččâd peeivi ton vuolgâtempeevist, jis eres ij almoon
- jis miäradâs lii toimâttum tiättum eres vuovvijn mottoom eres ulmui ko miäradâs finnejiei (sajasâštiättunfinnim), kiäččoo miäradâs finnejiee finnim miäradâs tiättun kuálmád peeivi tiättunfinnim- tai finnimtuodâštus čäittim peevist
- jis miäradâs tai kulluuttâs ton uáinimnáál tolâmist lii almostittum virgálii loostâst tai almolijn kulluuttâssáin almottâstaavlust, kiäččoo tiättunfinnim tábáhtum čiččâd peeivi ton peevist, kuás kulluuttâs lii almostittum virgálii loostâst tai pieijum almottâstaavlun.

Väidimreeivâ toimâtem

Väidimreeivâ puáhtá toimâttiđ haldâttâhrihtán persovnlávt, poostâ mield maksum postâvuolgâttâssân, faksijn, šleđgâpostáin tai äššiulmuu tai sänituálvoo fáárust. Vaiduu puáhtá toohâđ meiddei haldâttâh- já eromâštuámustoovlij ášástállâmpalvâlusâst čujottâsâst <https://asiointi.oikeus.fi/hallintotuomioistuimet/#/>

Poostâ mield vuolgâtem tábáhtuvá vuolgâtteijee ovdâsvástádâssáin. Vaaidâ kalga juovdâđ virgeomâhâžân virgeäáigi siste ovdil 30 peeivi väidimäáigi nuuhâm, vai vaiduu puáhtá tutkáđ. Jis väidimäáigi majemuš peivi lii pase, lávurdâh, jiečânâsvuodâpeivi, válburpeivi, juovlâáptu tai jonsahpeivi áptu, väidimäigi jotkášuvá vala čuávuváá argâpeivi virgeäáigi nuhâmân.

Riehtilájádâs Internet-siijđoin láá täärhib ravvuuh äššikiirij tooimâtmist šleđgâhäämist: https://oikeus.fi/fi/index/oikeuslaitos/asiakirjojentoimittaminen_1.html

Riehtikeevvâmmáksu

Nubástusuuccâmääši aalgân pieijeest piärroo riehtikeevvâmmáksu ton mield ko tuámustovlimáksulaavâst (1455/2015) asâttuvvoo.

Haldâttâhrievti ohtâvuotâtiäđuh

Tave-Suomâ haldâttâhriehti
 Čujottâs: Torikatu 34-40, 90100 Oulu
 (PL 189, 90101 Oulu)
 Faksi: 029 56 42841
 Šleđgâpostâ: pohjois-suomi.hao@oikeus.fi